

房縣志卷十

列女

婦女節義有三未嫁喪夫誓死不字曰貞夫亡孀守奉親撫孤茹苦終身曰節夫死而憤烈捐軀世亂而慷慨殉難曰烈皆足增輝彤管與忠臣義士同扶名教綱常之重至孝事尊章克盡婦道其懿行亦足昭垂壺範潛德幽光烏容湮沒哉志列女

明

袁廖氏廖牖女千戶袁金妻年十八金故姑憐其少令再

房縣志

卷十 列女

一

嫁氏泣曰千戶妻豈有再醮理媳不死者以姑老且有遺孤也卒無二志嘉靖十一年撫治獎之子彬襲千戶職銜

張趙氏趙永福女旗校張通妻韓氏韓仲女州判趙鼎妻趙年二十二通故二子復歿守節七十二年終韓年二十寡遺孤時霖甫二月矢志撫成年六十撫治旌之

通爲  
校

趙葉氏趙萱類編作  
萱堂妻貢生葉嵩女也年十八趙故事舅姑以孝聞守節終身撫治獎焉又庠生戴黻妻劉氏年

三十寡無子孝養尊章數十年如一日紀善楊薰等爲  
請旌以上  
節孝

金許氏金鳳翔妻崇禎十二年獻賊陷城氏爲賊所擄恐  
受污持械奮擊賊怒殺之時年二十五節烈

國朝

車李氏車蘭妻年十五婚甫百日蘭故翁姑憐其少令再  
醮氏斷髮自誓請以夫從子之準爲嗣薄田三畝耕耘  
紡織養親課子之準人庠學博吳昭煜榜其門曰冰心  
鐵骨崔河圖贈聯曰百歲已從三月盡一心惟許九泉

房縣志

卷十 列女

二

知年八十終

雷王氏雷大名妻年二十五守節事祖母唯命是從夫從  
子失怙恃者殫心撫之某謀奪其志氏奔訴官請執照  
知縣鍾夢瀛題曰節以孝成乾隆十四年 旌表建坊  
西關中街

雷程氏庠生雷天動妻年二十六動故撫夫從子爲嗣歷  
盡艱苦白首完操乾隆十四年 旌表建坊西關

袁許氏袁完妻年十九完故無子欲從夫死父母止之撫  
夫從子爲嗣自誓守節乾隆二十八年奉文建坊入嗣

許汪氏許文集妻年三十八集故三子亦歿有利其嫁者  
計窘之氏以死誓撫夫從子爲嗣仰事俯畜備極辛勤  
嗣子濂儒人庠

陳杜氏陳良臣妻臣疾氏禱以身代臣曰吾雙親三子汝  
能以婦兼子職以母兼父道吾死猶生也氏泣諾臣逝  
氏年二十六撫二子成立孫百齡百詩俱庠生爲請旌  
饒方氏饒某妻生一女某故氏矢志不改勤儉治生年七  
十謂族人曰老身五十年辛勤積數千金今付宗祠爲  
祀田願諸族世守之歿於乾隆四十一年知縣江鴻題  
房縣志

卷十 列女

三

其墓碑

彭林氏廩生彭中允妻年二十七孀守孝養翁姑撫夫姪  
廩生法祖爲嗣治家嚴肅 旌表建坊東街

向咎氏庠生向九如妻袁許氏袁宏仕妻咎年十九寡育  
遺孤矢志終身許年十八仕故守節不移知縣王璋王  
宏祚先後各匾其廬

咎繩氏庠生咎履中妻年二十七寡撫遺孤安位娶程氏  
尋俱故遺三子一女氏撫成立四世同堂年七十猶理  
家政其從娣婦吳氏咎學憲妻也年二十五守節子天

撫繼子生三孫以耕讀教家姪媳楊氏督安壽妻年二十  
二壽故撫夫兄安富子榮乾爲嗣尋富亦歿妻某氏  
偕楊苦守杜門紡織庭除肅然一門四節里黨賢之  
徐劉氏徐崇榮妻榮六世同居故時氏年二十七三子長  
成章七歲次德化觀化氏與夫兄州同崇隆弟崇爵共  
爨和睦一堂從無間言二十餘年理家教子不倦成章  
官安徽霍邱知縣

劉楊氏子明妻庠生楊國輔女乾隆十九年明故氏年三十  
遺孤志國志朝撫成立孫八監生德全曾孫八武生

房縣志

卷十 列女

四

元泰庠生元仕元掄安徽鳳臺知縣錫齡翰林待詔附  
貢元齡元孫宗先五代同堂守節六十六年壽九十六  
旌表建坊入祠

吳王氏吳啟瑞妻年十九瑞故瑞兄弟七人欲析產促之  
嫁氏乞限三月俟生育再議親鄰勸以俟之生子元魁  
撫入庠家漸裕子孫相繼讀書曾孫監生立善元孫長  
拔貢四川州判吳昶次庠生吳詠

張戢氏張土英妻年二十八英故守節子文輝故其妻趙  
氏年二十四守節 旌表建坊東街南題以兩世貞徽

女孝

張章氏張宏經妻乾隆時翁患喘氏奉湯藥潔滌髓數十年不懈鄉里稱其孝

許雷氏許成儒妻年十七儒故舅舊病屢發一日發且甚旋瘳氏卧不起家人密伺之始知割臂已四次矣乾隆五十一年事知縣常熙獎以苦節愚孝

毛申氏毛明遠妻遠故家貧氏事姑教子乾隆五十二年姑某氏病篤氏羹股以進遂霍然知縣常熙獎以匾額並助以錢鈔

房縣志

卷十 列女

五

張周氏東鄉張極韶妻年十八韶故氏矢志守節姑病割股療之愈氏年八十六終

張吳氏張玉杞妻姑雙瞽曲意侍奉嘉慶元年杞督勇破賊旋遇害是秋賊首溫和尙擁萬人衝盤峪河營氏年三十七親負病姑遇賊被害

郭趙氏北鄉郭天爵妻性淑善嘉慶初年三十二翁病革割股進翁愈氏年百有餘終

楊王氏楊學仁繼妻年十九仁年四十母家怨媒妁女曰父母有命亦女命也卽適少年郎未必盡能如意姑年

七旬患癱病五載扶持不懈仁年六旬亦患癱病家貧子幼服勞十年無怨言

戢趙氏戢希暉妻廩生開科母也年十四歸暉性淑家貧善事舅姑姑歿繼姑曹氏多病氏侍湯藥不寐者月餘每夕焚香祈禱氏年七十八無疾而終

李張氏李同林妻道光元年姑病氏割臂以奉旋瘳知縣蔣啟蘭獎以金帛

潘劉氏潘成貴妻姑彭氏病篤劉割股奉姑病愈後劉病姪女亦割股二次奉之愈

房縣志

卷十 列女

六

任劉氏任某妻奉姑至孝姑病百藥罔效禱天割股進之病愈知縣某聞而獎之

涂江氏西鄉涂文斌妻道光七年姑病百藥罔效氏割股煎湯進之卽愈其姑年九十二終氏現年七十八歲斌年八旬五代同堂

楊汪氏楊清江繼妻年二十四江病篤氏割股江故遺前妻子甫二齡女撫之成立現年五十五

張馮氏張永朝妻姑病氏割股合藥以進姑病愈

樂馮氏樂潤身妻姑病氏割股煎湯進姑病愈

鄢張氏夫名缺事孀姑孝姑病就斃氏往禱佛洞願以身代祝畢割膀煎湯進之姑病霍然

黃蘭香黃恪遵女性淑尤孝年十五父患目疾醫罔效服事廢寢食父痛甚輒泣下後以湯進痛止詰之以方藥對人亦無知者既而母窺其臂有癍痕始知其割肉進父也後字徐姓未及笄而殤

何李氏何知新妻年九歲適何姑趙氏童養恩深道光五年姑病危割股奉姑病愈

姚計氏住西鄉家貧日一炊無怨父計萬言久病不愈氏歸省割股以進父愈越數日父送歸紡織如初

房縣志

卷十 列女

七

解許氏南街解學文妻性溫厚善事翁姑道光七年十月翁病篤割股調羹進翁病瘳

舒周氏北鄉舒萬化妻道光九年姑謝氏病篤貧無力養割股奉母病即愈

蹇鄧氏北鄉蹇輝先妻道光二十年姑楊氏病割股進姑愈咸豐六年賊至盡節自縊

王曾氏北鄉增生王烈妻生員曾尙樸女孝事翁姑相夫以順咸豐三年孀母曾吳氏以子傳儒從征思念成疾

譚李氏文童譚法平妻住南鄉三海堰夫故氏年二十二歲代夫盡孝撫子天祐成立守節待旌

孀婦阮蔡氏家貧乏嗣紡績度日積有百金垂老病篤邀街鄰至囑曰我有百金以五十金脩南街踊路及功竣而氏歿鄰人爲勒碑土地祠左

文童戴鳳之妻莫氏於乾隆五十八年夫故時莫氏年二十四歲守節家貧事老撫幼教子勤耕至今五代未晰居氏現年九十六歲精神尙健

文童趙國珠之妻金氏於道光八年夫故時金氏年二十四歲立志守節事老撫幼教子耕讀長子永清已到膠庠氏年五十而卒

房縣志

卷十

列女

八

文童張宏敏之妻戴氏於嘉慶十九年夫故氏年二十歲無子撫姪張鵬承嗣氏治家勤儉致家殷實道光元年學憲旌其額曰砥節懷清

文童莫宗先之妻戴氏於道光七年夫故時戴氏年二十五歲立志守節教子成立耕作勤苦至今四世禾晰居長子讓魁已入武庠氏現年七十五歲精神尙健

馮朱氏馮大魁妻魁故氏年二十三歲矢志苦守四十三

年縣主馬賞給栢貞松茂匾額

房縣志

卷十  
列女

九

馮李氏馮詢妻年二十六詢故親老子幼氏矢栢舟撫孤  
成立年八十六知縣蔣啟蘭獎以壽同節固

鍾緩氏鍾三載妻年十九載故七旬孀母八月幼孤氏矢  
志事畜學政王增芳獎以砥節懷清

孫雷氏北鄉孫尚舉妻年二十九舉故子汝誨甫八月奉  
老撫孤紡績成家誨入武庠學政王增芳獎以節孝可  
風氏年九十四終曾孫明倫明理俱廩生

宋戢氏南街廩生宋開甲繼妻年十六適甲生二子與仁  
興讓甲幕遊山西故於幕府氏矢志守節事翁姑撫幼

房縣志

卷十 列女

十

孤興讓補廩生孫文翰增生氏年六十九終

劉郝氏劉志善妻年二十一善故立猶子建功爲嗣事姑  
以孝夫弟志脩故妻張氏亦守節學政楊懌曾給以松  
筠勵節郝年八十二終張年八十一終

趙傳氏北鄉趙守先妻年二十八生三子先故姑性燥氏  
事之孝道光七年學政王增芳獎以節孝可風次子廷  
璧入庠氏年七十二終

常孫氏北鄉常正綱妻年十九綱故撫遺腹子明遠成立  
事盲姑敬綱祖由光化縣遷房傳三代氏苦貞延一線

孫二曾孫三氏年六十八終

劉宋氏西鄉增生劉德波妻生員宋世卿女波應嘉慶戊辰科鄉試歿於武昌客邸氏年二十八遺子元棟甫二齡撫立入庠孫二長廩生宗郁次廩生宗郅曾孫四道光十二年旌表建坊於西鄉汪基屯現年八十七

劉李氏西鄉劉志述繼妻年二十四述故氏撫前子德裕遺腹子德著成立俱列成均孫從九元書追光十二年旌表建坊於西鄉胡家灣

許趙氏許校儒妻年十六歸儒數月儒故氏誓守立姪廷

房縣志

卷十 列女

十一

樑撫入庠學政王增芳獎以節孝可風氏年八十餘終

龍鄧氏龍登朝妻年十九朝故遺子國林甫四月撫之成立孫六長海潤三海晏六海瑞俱武庠

陳李氏北街陳善令妻令故氏年二十八撫孤百安成立苦節三十四年

陳葉氏陳汝楠繼妻前妻劉生子甫二歲楠故氏年二十四矢志不奪紡績治生撫子成立年七十三終

郭許氏生員郭嶠妻年二十六嶠故遺孤三歲氏紡績鍼工資生教子廣楚補增生

車熊氏拔貢車琦妻年二十九琦故苦志耐守撫遺孤步雲成立

車徐氏車璫妻年十六歸璫璫從父兄擊賊遇害氏年二十六無子守節二十八年

車陳氏生員車璿妻年十五歸璿璿故氏守節二十八年終

車劉氏車珉妻年十八歸珉六年珉故氏守節二十八年終

許李氏庠生許文溥妻年三十溥故遺子立儒氏誓志撫

房縣志

卷十 列女

十二

孤治家勤儉閭里有懷清之譽孫廷勳入庠

許任氏生員許于琰妻年三十琰故氏撫孤成立苦節四十四年終

咎曾氏咎榮祖妻祖被賊害氏苦節不渝學政王增芳獎以節配夫忠又榮宗妻許氏早寡苦守道光七年與榮祖妻同報時許年七十七

張章氏張廷相妻歸相十年相故氏矢志育子延宗治家有法學政王增芳題以砥節懷清

張戴氏張洪敏妻年二十六敏故撫孤鵬翔成立

余鄧氏余學清妻年二十八生子三清故氏耐貧撫育苦  
志三十餘年終

戴葛氏戴曦妻年二十一曦故撫子一元入庠守節四十  
六年

楊戢氏揚夢源妻年十五歸源源堵賊陣亡詳請卹典氏  
事翁姑孝撫孤景雲入武庠守節四十餘年終

楊戢氏楊俊元妻年二十六元故氏奉孀姑盡孝撫二子  
成立長學康入武庠

車許氏廩生車之法妻年二十一生子瓊法故氏守節撫

房縣志

卷十 列女

十三

孤年八十九終瓊妻趙氏年十五歸瓊生子序章瓊故  
氏亦砥志苦守事孀姑孝其夫從子璵妻徐氏甫七月  
璵故徐撫育夫兄次子世進爲嗣入武庠矢節四十年  
邢李氏邢觀儒妻賈程氏賈克閔妻許李氏許之熊妻汪  
張氏汪廷獻妻俱堅志勵節道光七年學政王增芳批  
飭查覆次年藩司衍劄學諭令請題在案

劉汪氏監生劉德馨妻進士汪朝相女年二十二生子元  
和甫三月馨故氏撫孤人庠守節三十年卒

余蘇氏余自義妻年二十八夫故是年公姑俱歿哀毀葬

祭盡禮撫孤立忠及三幼侄成立年八十餘終

鄧周氏鄧九鵬妻年二十三鵬故遺孤數歲氏不以貧苦易志事親孝教子慈鄰里頌之

朱劉氏監生朱發芸妻年二十七寡苦志教子咸循禮則子長監生映曜次映暉歲貢氏年六十四卒

孔賈氏孔傳義妻年十六適義義擊賊陣亡家舍遭焚氏勤苦理業撫育四子課以耕讀仲子繼彥入庠

翁高氏翁光頂妻頂堵賊遇害詳請卹典氏年三十撫六歲子文翔成立數十年不以貧苦易志

房縣志

卷十

列女

十四

周林氏周裕遠妻年二十四遠故遺二孤撫育成立事病姑數十年不懈

胡向氏胡文華妻年二十三華故撫孤玉田成立田早逝氏撫三孫勉以耕讀持家砥節五十三年終

胡張氏胡世倫妻庠生張克勤女年二十餘倫擊賊陣亡或諷改適泣拒曰如翁姑何苦節三十餘年孝養無間言

吳劉氏吳德忠妻歸忠二年教匪滋擾忠擊匪陣亡氏以身孕未殉是秋生子文津得延一綫苦節二十餘年終

趙席氏趙聞善妻年二十二生三子長殿謀娶李氏次殿  
謹娶劉氏善故嘉慶元年賊亂謀謹殉難二氏自縊三  
子殿諒甫十二齡氏撫之曰禋祀不可斬若俱死何面  
目見趙氏宗祖於地下攜諒遠避兵燹後聘金氏爲養  
媳時善堂兄窺席孤弱累欲奪志席捍禦未果越六年  
生孫鳴岡撫立入庠數十年茹蘖成家洵巾幗丈夫也  
金氏性樸訥姑病年餘侍奉不離左右知縣王錫疇獎  
以萱花四照年八旬終其孫增生炳南例貢炳庚

劉張氏劉德舉妻嘉慶二年賊至全家遇害氏年二十八  
立夫從子元蓋元弼爲嗣學政王增芳給以砥節懷清  
年八十終

劉楊氏劉德茂妻生員楊壽元女嘉慶二年茂被賊害氏  
年二十八立姪元龍爲嗣道尤五年知縣王綱獎以松  
操竹慈年七十三終

高方氏高文魁妻年十八適魁嘉慶二年魁同子一鐸率  
勇堵賊遇害時氏年三十二痛夫與子死難殫心教子  
羣英入庠補增孫鳳翱鳳翥俱食餼鳳毛入庠守節三  
十三年終

傅孫氏北鄉傅志學妻年三十學故氏勵節撫女出嫁亡  
年六十四臨終囑遺微產建傅氏宗祠

熊戢氏西鄉熊維翰妻年三十翰故立幼姪開元爲嗣撫  
入庠孫庠生成周氏年七十終

郭戢氏郭世珩妻年二十九珩故立姪立柱爲嗣年八十  
八終孫光明入庠

雷陳氏雷耀天妻年十八適雷十年雷故氏堅志撫孤世  
傑成立苦節三十年終

計陶氏計瑞珍之母性莊嚴年二十夫故矢志守節撫孤

房縣志

卷十 列女

十六

成立八十三歲終

杜傅氏杜瑞妻幼年守節撫姪培棻入庠

宋鄭氏宋棟雲妻年十九雲故矢志守節四十六年治家  
勤苦撫子光先成立

歐陽邢氏歐陽榮輝妻年十六適輝甫八月輝故氏守節  
孝事翁姑撫猶子成立年八十六終

楊陳氏楊炳文妻嘉慶四年文死於賊氏年三十苦節二  
十餘年終

張李氏張嘉德妻年三十五德故氏孝事翁姑撫二孤成

立次樹傳入庠

李車氏李明德妻年二十德故貧而守節紡績以事舅姑  
撫孤青選入庠四十年如一日

高韓氏高登鰲妻年二十七鰲故氏善事翁姑撫孤成立  
長子德榮聚勇堵賊給七品軍功次德耀入武庠

張鄧氏張以正妻年二十四正故家窘苦守撫子搗謙入  
庠氏年八十二終

張張氏張朝相妻年二十相故族人利其產逼嫁不從逾  
二月生子培娶譚氏培亦故譚年二十餘撫子維心成

房縣志

卷十 列女

十七

立事姑能盡婦道兩世節孝里黨賢之

蔡王氏蔡志超繼妻年二十七夫故矢志撫孤事翁姑得  
歡心年八十四終子輝廷八十餘知縣王錫疇給耆碩  
匾額詳請 恩賜粟帛孫三萬春從九兆堂八品銜卜  
昌五品銜孝廉方正曾孫十一人

羅李氏羅宗政妻年二十九夫故子文光三歲文斗一歲  
翁姑早逝貧苦無依父母勸再嫁氏曰若嫁二子誰恃  
羅門裡祀何誓志苦守紡績度日撫子成立孫以禮詠  
霓俱入泮氏守節五十餘年八十四歲終

蘇賀氏幼失夫夫兄促嫁之不從誘之歸寧實已鬻之於  
土豪矣氏至中途覺之以剪刀刺喉幾死經官當堂削  
髮爲尼垂六十年里人未見其笑容年八十八終於寺  
任劉氏武生任萬年妻年三十夫故無子一女氏撫之于  
歸七十九歲終

朱梁氏北鄉朱世美妻嘉慶八年美故氏年二十九善事  
翁姑撫子文欽早歿媳余氏年二十四事孀姑撫子大  
朋娶熊氏三年朋亦歿熊氏年十八守節余氏現年五  
十五

房縣志

卷十

列女

十八

解宋氏解兆舉妻年二十五舉罹教匪之亂氏撫遺孤嵐  
峯成立入庠

吳戢氏南鄉吳開科妻年二十二科故氏孝事翁姑撫育  
遺孤有諷以青年難守者氏忿泣誓不再嫁年四十終  
張譚氏北鄉張三元妻年二十六元故氏撫二子成立年  
五十四終

賈王氏賈儒彬妻性聰慧知書年三十彬故氏撫四子次  
武庠化方文庠宏源孫武庠樹楷

戢田氏戢希達妻達故遺一子甫二歲氏矢志撫孤成立

現年六十三

鄭鄒氏西關鄭能鳳妻年二十八鳳故姑老子幼紡績治  
生撫孤成立年七十五歲終

彭任氏彭發文妻年十九文故翁老姑喪明或勸再醮誓  
不從勤儉興家茹素行善現年六十五

徐朱氏徐浪荇妻國子監典簿建鰲母也荇故氏年二十  
三孝事翁姑撫子成立守節四十餘年終

陳張氏西鄉陳百見妻年二十六見故氏上事翁姑下撫  
二子長世琮娶任氏生子同科琮歿任氏年二十一守

房縣志

卷十

列女

十九

節三十載終張氏現年七旬眼見四代

雷趙氏西鄉雷寶仁妻年二十二仁故遺二子翁姑年衰  
氏孝慈兼盡苦積致富現年六十六

盧吳氏西鄉盧逢華妻華勤學病故氏年二十二撫姪德  
潤成立年六十九終

咎趙氏西鄉咎心廣妻年二十七廣故遺子廷藻九歲撫  
成立孫文翰入庠氏年四十九終

咎車氏西鄉咎心泰妻泰故氏年二十六遺子炳苦入庠  
現年五十九

張劉氏北街張榕妻榕故遺子登功甫八月家貧苦守撫孤成立知縣王璐獎以志凜冰操現年六十五

李譚氏李愈猷妻年二十四猷故家貧氏茹苦度日孝事孀姑撫子如興成立

余孫氏北鄉余宏泰妻年二十一泰故氏矢志養老立堂姪爲嗣泰弟宏貴始生代姑撫養成立現年五十三學政孫家鼎獎以歲寒貞操

徐曾氏徐大年妻年十七生子賢棟七歲年故氏撫孤守節善事翁姑病勤湯藥歿後哀毀無極縣聞爲之請

房縣志

卷十 列女

二十

旌

劉段氏劉鍾瑄妻武生良田女年二十八瑄故撫遺孤鴻紳入武庠

丁楊氏東關丁顯章妻西關武舉楊奠元孫女于歸三載章故氏矢志守節立姪州同家興爲嗣現年五十八

王吳氏東關王六義妻年二十七義故家貧紡績撫孤成立道光十二三年連歲荒氏丐食無所匍匐至夫墓前縊死年六十八

許戢氏南鄉許廷樞妻年二十六樞故氏生一女立姪永

强爲嗣現年六十二

李戢氏北鄉李忠敬妻年二十敬故家貧遺二女氏撫之  
嫁無子可繼獨操柏舟現年六十六

彭盧氏彭祖璉妻年二十八璉故遺二子撫成立長先知  
庠生次先覺監生氏年六十四終

彭李氏文童彭宗渭妻于歸四年渭故氏年十九無出立  
志守節孝事孀姑撫夫弟鴻飛成立援例納翰林院待  
詔職銜立姪祖杰爲嗣現年六十五

吳余氏吳玉光繼妻于歸五月光故氏年二十矢志守節

房縣志

卷十 列女

二十一

前妻子甫七歲教養兼盡撫之成立鄉黨欽之

曾吳氏生員曾尙樸妻把總吳應剛女尙樸勤讀攻苦致  
疾亡氏年二十遺子女二俱在懷抱家貧翁自榮任鶴  
峯州守備繼姑張家居氏曲盡婦道姑因慟子病危割  
股以進得痊教養子女嫁娶現年六十

彭戢氏城南彭之福妻年三十夫故立姪鏡蓉爲嗣撫立  
食餼捐納訓導學使給匾獎之現年六十七

孫謝氏儒童孫尙清妻夫故氏年三十矢志守節撫子成  
名現年七十九

鄧周氏鄧洪久妻由安慶宿松遷房夫故苦守撫孤成立  
年九十四終

朱汪氏朱發芝妻進士汪朝相女年二十二芝亡矢志守  
節立姪世昌爲嗣氏年七十餘卒

孫余氏孫俊妻年二十七夫亡遺三子家貧苦守撫之成  
立曾孫枝入庠氏年八十五終

謝艾氏謝鳳鳴妻年二十一夫亡撫子均榮成立娶魏氏  
生四子榮又亡魏年二十九亦矢志靡他兩代守節

劉杜氏劉志妻年二十夫故家極貧苦志堅守遺孤建

房縣志

卷十

列女

二十二

筆歲餘撫之成立氏年六十九終

周胡氏周世科妻年十九科故撫孤大奎成立列成均氏  
年七十二終

王彭氏王成福妻年二十九夫故立志守節撫孤成立氏  
年八十二終

王齊氏武庠王成漢妻年三十夫亡矢志撫遺腹子世步  
成立氏現年八十

魏彭氏魏定彩妻年二十二彩亡遺長子四歲次二歲家  
貧苦守撫孤成立次子耀宏入庠

陳張氏陳鳴瑞妻住西鄉范家埡年二十八夫故栢舟自誓嚴以教子子從九良烜奉養無少懈其媳亦賢一家和睦里黨羨之

汪胡氏汪啟筆妻夫故氏年二十九守節教子艱苦備嘗現年七十三

丁王氏丁顯達妻年二十九達故子盛福二歲翁姑早亡貧苦無依日夜紡績撫孤成立現年六十二

雷熊氏雷熙先妻年二十夫亡立姪普中爲嗣撫之成立孝事翁姑現年六十三

房縣志

卷十 列女

二十三

傅王氏傅國典妻年三十夫故矢志守節事姑撫子年六十餘卒

徐張氏徐志正妻年三十正故守節撫子卒年五十九

唐徐氏唐榮信妻年二十五信亡苦志守節撫子成立卒年五十八

薛袁氏薛啟禮妻年二十四夫故矢志守節撫姪明鑑爲子卒年五十七

任雷氏任學道妻年二十六道故家貧苦守撫遺腹子立模成立謹事翁姑氏現年六十

王趙氏王敖妻年二十敖故撫子成家素封循分守節  
現年八十尙健

謝陳氏謝自謙妻年二十六夫亡立志守節年七十八卒  
魏劉氏魏耀典妻夫亡氏年二十九苦守四十餘載現年  
七十餘

鮮徐氏鮮忠義妻義故氏年二十九家貧撫子矢志靡他  
現年七十四

梁劉氏梁脩爵妻年二十八夫故守節四十年現年六十  
八歲

房縣志

卷十

列女

二十四

梁王氏梁某妻夫亡氏年二十四守節四十餘年卒

李徐氏李全妻年二十四全故一女招贅吳姓卒年七十  
有二

劉馮氏劉汝苻妻夫故氏年三十家貧苦守撫二子成立  
現年八十二尙健

陳聶氏陳建用妻年二十八用逝撫子成立又亡撫孤孫  
成立現年八十

黃林氏黃琰妻年二十二夫故氏矢志苦守撫二子成立  
年八十五終

劉任氏增生劉元仕繼妻年二十二仕故明年孀姑亦故  
家貧前妻子宗叙十一歲氏苦守教養氏現年五十八  
陳戢氏陳本仁妻仁故氏年三十矢志苦守撫二子成立  
卒年五十二

李袁氏李成坪妻年二十九坪故家貧苦守紡績度日撫  
遺腹子繼宗成立現年五十餘

馬王氏馬訓妻年十八訓故遺孤甫十月撫之成立苦守  
三十一年卒年四十九

張陳氏張有客妻夫亡氏年三十苦守撫三子成立現年

房縣志

卷十 列女

二十五

六十餘

盧羅氏盧金魁妻住龍坪年二十八孀居守節善事翁姑  
教子有方現年八十二

陳姜氏陳學智妻年二十三夫故立節苦守敬事翁姑撫  
幼子世瑞成立列成均氏年六十三

譚傅氏譚法良妻南鄉銀峯河夫故氏年二十立姪例貢  
長春爲嗣現年五十

張陳氏監生有榮妻年二十八歲榮故事翁姑以孝撫孤  
成立矢志守節年八十一終

慧婉淅之鎮江人房幕楊仁山次女長適彭婉年十六字襄陽劉以道賒就房甥館婉曰篤琴瑟餘事耳孀姑失奉安乎囊澁歸未果明年寇至襄道梗攜眷邑南杜家川生病婉殷勤竭力寇氛日逼婉慌以身代顛天山無葯餌割臂肉雜羹以進生甘之病減婉傷裂鄰婦疑瘡勸敷藥生覺知婉無瘡視臂刀痕宛然生痛病轉劇寇去而生歿矣婉號痛萬狀思自殉憂阿父老而鰥艱葬踏無已檢點箱籠質釵珥不足剪髮助殮貲柩達房城彭慨贈以柩轉襄計婉泣向姊曰薄命人罪魁也敢偷

生乎今且攜來死具矣以防不虞出錐長半尺許姊曰未也扶柩葬夫職也登堂見姑分也職分未盡何遽言死婉曰均之死爭遲速耳乃伴夫靈星餐宿露歸葬襄陽守墓不去姑憐之曰兒勿是爲家固貧尙有幼子婉遵命勤操作日三餐惟倚十指慮夫亡嗣絕親老家貧抑鬱悲憤萬感攢心年十九而慙慙逝矣嗟嗟慷慨殉節易從容就義難然人雖屬襄陽而事在房陵倘弗表而出之紅粉成灰固不足惜地下貞魂等草木矣因附篇末

王安氏賓女王汝魁妻順治九年十月郝永忠陷城執汝魁氏抱之哭且大罵賊怒同被害

楊余氏庠生楊偉用妻用詣郡病故氏聞訃哀毀廢食及柩到家一慟而逝知縣董雱懿其行親爲祭奠

余况氏庠生余思舜妻舜貧遠館氏肩家事刈麥荒郊遇劉志成強犯之氏以死拒得免急召夫歸泣訴忿極自縊死官聞抵志成罪乾隆二十年奉文建坊東關

陳汪氏陳輔相妻汪富女也年二十相故誓以身殉翁姑再三慰之已而出其奩粧分給諸姊家人怪之防愈密一日晨起奠畢調膳進舅姑旋入室自盡乾隆五十五年旌表建坊入祠

房縣志

卷十 列女

一

劉石氏劉學良妻嘉慶元年賊起氏謂良曰姑老君急負以逃妾母慮也賊至氏自縊趙殿臣妻胡氏趙殿筍妻孫氏子耀先妻鄧氏同日自盡詳請議卹

謝劉氏貢生謝克純妻武舉謝龍恩母也年七十一嘉慶元年賊圍城氏諭龍恩曰吾老死可矣汝當盡力報効勿以我爲念越數日城樓夜火聞傳賊入城氏投繯死李文耀妻傅氏李遐友母李氏鄭義丹妻陳氏曹起倫

妻余氏王道妻呂氏尼僧李氏同時自縊二年八月奉  
文建坊入祠

戢黨氏戢時翹妻一子三女陳氏戢時翀妻三女嘉慶元  
年被賊裹脅自縊七子女不屈激賊分裂學政杜翰獎  
以節烈雙輝

熊余氏北鄉熊兆鳳妻嘉慶元年賊起姑自縊氏謂夫曰  
姑死吾何能生遺三歲小女以重衾裹壓長子九歲次  
六歲棄不顧夫婦投繯氏繩斷甦小女亦竟未死母子  
奔逃子熊魁熊健成立以農業起家

房縣志

卷十 列女

二

梅盧氏梅錦蘭妻蘭麻城籍祖父貿房西鄉麥浪坪遂家  
焉蘭勤攻讀失血不愈氏貌腴性靜適蘭月餘歸甯語  
父良人垂危奈何父云萬不測爲汝更覓良緣女曰是  
何言也女子當從一而終今所商者惟後事耳未幾蘭  
物故氏無慟意衆非之送殯半途反姑與祖姑詰再三  
不露神色夜服毒死蘭年二十氏年十九

黃冀氏八品職黃金潮妻嘉慶元年賊起潮督勇家屬避  
難老君砦賊去氏奉姑歸遇賊同行百餘人盡爲賊掠  
氏獨奮拒擁姑以石擊賊被殺賊義之釋其姑時年三

十八子道遵歲貢生學政王增芳獎以烈孝流芳  
曹程氏庠生曹育萬妻嘉慶元年賊起氏急負姑周氏避  
難遇賊迫脅不從死之

孫李氏北鄉孫繼曾妻年三十餘曾故氏守節嘉慶元年  
賊亂氏命子媳遠避諸子以母老不肯行氏詭言偕行  
入室自縊孫汝海入武庠元孫明倫明理俱廩生

劉毛氏劉玉貴妻年二十二貴故氏守志十七年嘉慶元  
年春賊焚掠村落氏慮逼污投繯死

鄧戢氏北鄉鄧克願妻年二十餘嘉慶二年派丁出勇順

房縣志

卷十 列女

三

隨楊提督四川勦賊年久未歸氏悲夫無音耗自縊

湯晏氏北鄉湯順起妻年二十六同治元年賊至氏攜二  
子一女避難被賊困長子隨父逃氏見賊近勒死子女  
自縊

李謝氏李光朝妻年二十四同治元年十月逃難西鄉老  
荒峪賊至氏見朝被裹遂投巖死

王陳氏王發桂妻同治元年髮賊入南山見氏欲污之氏  
大罵不屈夫婦俱被害

楊龔氏生員楊自新妻同治元年氏避難南山賊至大罵

不屈被賊剖腹墮孕而死

張蔡氏張文進妻咸豐六年賊匪至房避難丁家寨賊近自縊知縣金玉堂給匾獎之

張任氏張世瑚妻同治元年舉家避難軍馬燕河岳洞中賊至抱數月嬰女投岳死

魏方氏魏珍妻年三十六同治元年避難大木廠寨賊近抱子投岳母子殞命

袁柯氏袁喜武妻同治元年避難窑坪寨髮逆至破寨氏墜岳身故

房縣志

卷十

列女

四

魏劉氏魏金妻同治元年髮逆至窑坪氏避難岳寨寨破被逼墜岳身死

丁况氏丁金元妻同治元年賊竄窑坪破寨氏恐汚墜岳而亡

李宋氏李成德妻同治元年賊至西鄉避難岳寨寨破勢逼罵賊投岳死之

張孫氏張全義妻同治元年賊至避難化口山寨賊破寨攜氏手氏巧言廷之抱幼女投岳俱死

宋任氏大美妻乾隆二十四年夫故氏年二十四遺子士英五歲士雄二歲氏上事孀姑下撫二子夫昆季十人俱早逝所遺子女氏悉爲嫁娶卒年八十四雄子開第武庠英孫國楨國楹皆入泮

宋陳氏士綱妻乾隆四十五年氏二十七夫歿遺孤開梅甫二歲家貧事孀姑無違娶媳增生張毓蘭女亦賢嘉慶十二年梅卒張年二十五遺孤國柱僅八月姑媳相依間撫成立咸豐元年學師汪司給陳冰節可風匾同治

四年學憲孫給張古栢貞松匾陳卒年七十三張卒年

房縣志

卷十 列女

五

六十七柱生子五次承濂五承澤俱廩生

張戢氏儒童文質妻嘉慶年質督男勦賊受傷身死氏年二十五紡績苦度撫子女成立年七十五終婿直隸大城知縣冀洪爲請旌表

彭盧氏正和妻和嘉慶時堵賊陣亡氏年二十八矢志堅守事公姑孝撫孤元棟成立

趙王氏登岸妻嘉慶初賊亂岸被害氏攜二男一女匿豬圈以穢物塗面逃至劉家畝勇營後子庠生國彥上其事於學政楊獎以貞操勵節年八十五終

羅趙氏羅日亮妻嘉慶元年教匪亂亮被戕氏年二十八遺子萬殊未週撫育入庠學政楊懌曾題以冰蘖完貞年七十一終

張尹氏張金湯妻年二十餘湯故氏勤苦資生敬事翁姑撫子成立學政朱士彥獎以石貞山壽

孫高氏孫繼友妻嘉慶元年友遇賊害氏年二十三撫子上寅成立知縣何在朝獎以冰淵矢志學政王增芳題以筠節揚輝年七十終孫庠生履中曾孫庠生文緒

曹戴氏曹萬卷妻卷故氏年二十一遺孤興仁甫二歲家

房縣志

卷十 列女

六

貧氏依生父紡績撫孤知縣何在朝題以全節保孤

孫方氏孫繼休妻休故氏年三十撫一女家計窘甚紡績自給矢志靡他知縣蔣啟蘭題以苦節全貞氏年九十一終

張毛氏東鄉張鎮妻年二十一鎮故家貧遺二子在襁褓嘉慶元年教匪亂氏攜二子避難險峻采蕨以食十九年大饑有匪人嗾二子行劫掠事氏唾出閉戶守餓無怨言年九十八終

劉郭氏劉志禮妻性剛烈年二十二禮故撫遺腹子德馥

成立氏年八十二終孫武庠元培

范戢氏東鄉范慎思之母年二十六生慎思一女夫故家  
貧守節撫子成立氏年八十八終

曹晏氏生員曹育萬繼妻元配程氏嘉慶元年殉難續娶  
晏氏年二十七生四子萬故氏茹蘗守志四十八歲終  
三子忠恕入庠

宋咎氏宋齊卿繼妻撫前子悅道數歲卿故氏年二十七  
家窘紡績度日爲道娶郭氏年三十道故子五長德行  
娶楊氏年二十九寡三代苦節宗黨欽之

房縣志

卷十 列女

七

劉李氏增生劉鍾珩妾嫡妻楊氏生子建猷數歲珩與楊  
俱歿李年三十守節理家撫教嫡子猷入庠

莫戴氏莫宗先妻年二十八生二子夫亡氏矢志堅守長  
子讓魁入武庠

李王氏李宗福妻年二十九福故矢志茹苦教子榮身置  
功過格冊日以紅圈記功黑圈記過學師以苦節申詳  
有以閨行而勵士行不愧女中君子以母職而兼父職  
儼然巾幗丈夫等語學政王贈芳獎以砥節懷清

魏王氏魏安和妻年二十歸和和嘉慶元年堵賊陣亡氏

撫子成立守節三十二年終

丁王氏監生丁超妻嘉慶元年教匪起超偕弟朝儒督勇拒匪溜石板溝俱捐軀朝儒乏嗣氏矢志撫孤清蘭續兩家祀學政王增芳獎以蹈義守貞

馬趙氏馬宏朝妻朝嘉慶元年督勇擊賊被害氏年二十六矢志守節立夫弟之子爲嗣

趙張氏監生趙登有妻生員張士傑女年十六適有嘉慶元年有隨父之璉同被賊害氏孝事病姑撫藐孤殤立夫從子連城爲嗣十九年春荒輸金賑饑學政朱士彥表以懷貞慕義守節四十六年終

張陳氏張國安妻年十九嘉慶元年教匪至安堵匪陣亡氏不欲生冒險尋負夫屍歸葬仰事俯育備歷勤苦學政王增芳獎以蒙難砥操

楊向氏楊文倫妻年二十三倫故遺二孤氏紡績治生嘉慶元年賊亂負子逃匿山谷辛苦備嘗厥後撫子成家業小康學政王增芳獎以砥節懷清

車劉氏生員車琮妻嘉慶元年琮從父之法堵賊陣亡氏年二十九無嗣守節三十一年終

彭陸氏彭宗傳妻嘉慶五年賊至宗傳被殺氏年十二茹苦守節八十八歲終

劉王氏生員劉志鐸妻年二十八夫故貧甚苦守孝事翁姑勤理家務二子成立家計稍裕長湧筆二子監生元相守備効力兵部武舉元瀚次滋筆二子庠生元輔監生元銑氏年六十二終同治四年覃恩賜封宜人傅高氏傅必先妻年二十八先故撫子國甯成立孫學道次孫學德余家河經制氏年八十四終

徐楊氏徐學堯妻年二十七堯亡子明元甫三歲事舅姑

房縣志

卷十 列女

九

撫嬰兒勤慎罔懈積紡織餘資散給貧苦者元生三子長得芳弱冠食餼同治四年學使孫家鼎給茹苦能甘匾獎之

劉彭氏廩生劉作書妻年二十九夫亡守節撫子長貢生汝葵次增生汝詩氏年六十餘終

何宋氏童生何世蘭妻蘭應試歿于鄖郡氏年二十六遺孤以仁甫三歲撫之成立事翁姑以孝年八十六終

陳傅氏陳煥章妻嘉慶元年翁夫俱被賊害僅存祖姑與姑二歲藐孤養生喪死盡道孫楚傑入庠年七十六終

張邱氏襄陽名家女許字青峯張姓氏聞夫病篤再三懇告父母往探許之及至夫已殤氏爲承服晝夜哀泣誓不再字翁姑病兩次俱割股進之年八十八終

鄒鳳女西鄉鄒士祿女年十四咸豐六年鳳隨父母避難於山賊至恐污投巖賊退三日覓之鳳坐樹間泣訴知縣金玉堂賞銀絹旌以鳳女全貞後于歸陳姓

高二女東鄉高興發女長年十九次年十六咸豐六年避賊山洞賊至長女投巖死次繼之落罊半巖荆棘中賊退設法援起餓幾死衣襠俱密縫針線蓋預防其污以

死自誓也

施陶氏年二十夫朝元病故無子赤貧矢志不嫁針黹度日撫二稚叔成立均爲完婚年五十九卒

北鄉甘邵氏朝宗妻同治六年九月爲姑黃氏染病不愈誓神割肝啖姑病愈